

ԾԱՌԱ-ԱՂԱԽԻՆ-ՍՏՐՈՒԿՆԵՐԸ
և ՆՐԱՆՑ ՍՈՑԻԱԼԱԿԱՆ ԴՐՈՒԹՅՈՒՆԸ
ՄԻՋՆԱԴԱՐՅԱՆ ՀԱՅԱՍՏԱՆՈՒՄ

Պրոֆ. Ս. Ե. ՀԱԿՈԲՅԱՆ

Հին Հայաստանի ծառա-աղախին-ստրուկների ինստիտուտը վաղուց է դրավել գիտնականների ուշադրությունը, այդ հարցին նվիրված են առանձին ուսումնասիրություններ¹։ Ինչ վերաբերում է ծառա-աղախինների սոցիալ-տնտեսական միճակին և ստրկական աշխատանքի օգտագործմանը միջին դարերում, ապա այդ հարցը միայն շոշափվել է որոշ աշխատություններում² և դեռևս կարոտ է հանգամանալից քննության։ Ներկա հոդվածում բարձրացնում ենք միայն երկու հարց՝ ա) ծառա-աղախին-ստրուկների առաջացման աղբյուրները և բ) նրանց սոցիալ-տնտեսական դրությունը, իրավունքներն ու պարտավորությունները միջնադարյան Հայաստանում։

1. Ծառա-աղախին-ստրուկների առաջացման աղբյուրները։ Ինչպես ստրկատիրական հասարակության, այնպես էլ վաղ և վարդապետ ֆեոդալիզմի պատմաշրջանում ծառա-աղախին-սպասավոր-ստրուկների առաջացման զբաղվոր աղբյուրը պատերազմն ու գերեվարությունն է եղել։ Ֆեոդալիզմի զարգացմանում պատերազմների միջոցով ձեռք բերված ռազմագերիների զգալի մասը մասնահատվել է աշխարհիկ և հոգևոր ֆեոդալների, վանքերի ու եկեղեցիների, թագավորների և պարապետների միջև՝ որպես ծառա-աղախին-ստրուկներ։ Պատերազմների և ռազմական արշավանքների միջոցով ռազմագերիների ձեռք բերման այս եղանակն այնքան բնական է համարվել, որ իր օրինական

¹ Н. Адонц, Армения в эпоху Юстиниана, СПб., 1908, гл. *Մասնական ֆեոդալիզմը հին Հայաստանում* Երևան, 1934, էջ 43, 87-89, 153, 156, 233-234, և. *Սամոսելյան, Սարկոթյունը հին Հայաստանում* (տե՛ս ՀՍԽՖՍՀ պատմության և գրականության ինստիտուտի «Տեղեկագիրք», գիրք 2), Նույնի՝ *հին հայ իրավունքի պատմություն*, հատ. I, Երևան, 1939, էջ 272-275, С. Т. Еремян, О рабстве и рабовладении в древней Армении (տե՛ս ВДИ, 1, 1950), Նույնի՝ Опыт периодизации истории Армении эпохи феодализма (տե՛ս «Вопросы истории», 1951), Ս. Ե. Հակոբյան, *Սարկոթյունը և ստրկատիրական հասարակական ֆորմացիան հին Հայաստանում* (տե՛ս ԳՍՀԿ-ի «Տեղեկագիրք», 1948, № 8), Նույնի՝ *հայ գյուղացիության պատմություն*, հատ. I, 1957, էջ 210-257։

² Լ. Բահաթրյան, *Հոգախին և անձնական իրավունքը հին Հայաստանում* (տե՛ս «Մուրճ», 1894, № 1, էջ 90-91, № 4, էջ 251-252, հիմա՝ Նույնի՝ *Личная и поземельная права в древней Грузии, 1895, և. Սամոսելյան, հին հայ իրավունքի պատմություն*, հատ. I, Երևան, 1939, էջ 276-277, 279, 281, 293-294, Լ. Սահակյան, *Հայաստանի միջնադարյան քաղաքների բնակչության սոցիալական կազմը* (տե՛ս «Պատմա-բանասիրական հանդես», 1958, № 2, էջ 58-61) և ուրիշներ։

ձևակերպումն է՝ դտել համապատասխան կանոնադրերում ու դատաստանադրերում՝

Ինչպես ամբողջ ավարից, այնպես էլ ուղղմադերի-ստրուկներից տաճարներին ուրվող լաժինը հայտնի է եղել միևնույն «հաս» տնվուն տակ։ Հին կտակարանի հաշերեն թարգմանության մեջ պահպանվել են մի շարք ուշադրով հատվածներ այդ մասին։ Այսպես, օրինակ, այնտեղ ասված է. «Եւ առջիք հաս Տեառն յամենայն արանց պատերազմողաց յերթելոց, ի պատերազմ ողի մի ի Եինգ հարիւրոց՝ ի մարդոյ և յանասնոյ, և յարջառոյ և ոչխարի և յաշձեաց», կամ՝ «Եւ եղև կէս աւարին Երթելոցն ի պատերազմ ի թուոյ ոչխարացն Երեք հարիւր և Երեսուն հազար և Եօթն հազար և հինգհարիւր և Եղև հասն Տեառն յոչխարէ՝ վեց հարիւր և Եօթանասուն և հինգ։ Եւ արջառ երեսուն և վեց հազար, և հասն Տեառն՝ Եօթանասուն և Երկուս և Էջր՝ երեսուն հազար և հինգ հարիւր, և հասն Տեառն վաթսուն և մի։ Եւ ողիք մարդկան՝ վեցտասան հազար, և հաս ի ճոցանէ Տեառն՝ երեսուն և Երկու ողիք»³։

Մեր հին և միջնադարյան մատենագիրները պահպանել են ուշադրով վկայություններ պատերազմական զերեվարությունից ծառա-ազատիկն-ստրուկների առաջացման մասին։ Մ. Խոսեւսացին Հայկի նահապետական տոհմում հիշատակում է «ստարածին» կամ «ընդոժին» և ուղղմադերի-ստրուկների առկայությունը։ Պատմահայրը խոսելով Տիգրան Բ-ի մասին ասում է, որ երբ նա արշավեց Պաղեստին, Ասորիք, զերեց այս երկրների բնակիչներին և կարգավորեց «նստուցանել զգերին Հրկից... ի քաղաքն Եամիրամայ...»⁴։

Փ. Բուզանդը, խոսելով հայ-ազվանա-բյուզանդական հարաբերությունների մասին, վկայում է, որ Ազվանից աշխարհի Ռոմայք թագավորը զիմելով իր զորքերին ասում է. «Ճանձն լիցի ձեզ, յիշելով ի ժամանակի՝ իրբն ձերբակալ արաքուր զգորսն Յունաց, զրազումս ի նոցանէն ապրեցուցիք. զի կալ լեայս կապէայս տարցուր յաղթանս (ձեռագիր օրինակում «յեղուանս»—Ս. Ս.) ի գործ կառադործութեան դադատուս որմաշէնս պիտուլից մերոց քաղաքաց ապարանից և այլոց պիտուլից»⁵։

Հայ թագավորները, նախարարները, զորապետները զերում էին ոչ միայն օտարներին, այլև համազգայիններին։ Պատկ թագավորի կարգադրությամբ սպարապետ Մուշեղ Մամիկոնյանը, ինչպես վկայում է նույն պատմիչը, սկսում է հետապնդել այն հայ նախարարներին, որոնք «ասպետամբ եղևն ի թագուորութենէն Արշակունեաց»։ Սպարապետն արշավում ու ասպետակում է աղքատամբ նախարարների երկրները, «ստոնոյր զերէր լազում զերութիւն ի նոցանէլ. և զմնացորդսն նուաձեր և ի հարկի ծառայութեան կացուցանէր»⁶։

Եղիշեն անարդանքի սլունին դամելով հայ ժողովրդի քաղաքական շահերի դավաճան Վասակ Սլունեցուն, նրան մեղադրում է նաև այն բանում, որ նա «սուտ երդմամբ, խարէր և իջուցանէր» անառիկ ամրոցներից հայ ապրս-

³ Պիրր Աստուածաշունչը մատեն հին և նոր կտակարանաց, Վենետիկ, 1860, Թիւր ԼԱ 28, 36—41 (այսուհետ բոլոր բնագծումները մերն են—Ս. Ս.)։

⁴ Ստեփանի Խորենացուց Պատմութիւն Հայոց», Տփլիս, 1913, էջ 32, 33։

⁵ Նույն տեղում, էջ 134—135։ Ապիանոսը Տիգրան Բ-ի կողմից ձեռք բերված գերիների թիվը հաշվում է 300000, տե՛ս Appianos, Mithrid., էջ 67։

⁶ Պատմադիր Բուզանդացուց Պատմութիւն Հայոց», Ս. Պետերբուրգ, 1883, էջ 162։

⁷ Նույն տեղում, էջ 173—179։

տամբներին, նրանց մի մասին սրի էր բաշում, իսկ մյուսներին «Եւրի տաճէր զծառայս և զաղախնայս աւրումնի»⁸:

Թագմազերի ծառա-աղախին ստրուկների ձեռք բերման և բաշխման այս եղանակն անցնում է նաև հետագա դարերին: VII դ. նշանավոր դիտնական և մատենագիր Անանիա Նիրաչացին վկայում է, որ երբ Ներսէճ Կամսարականը հաղթական կերպով վերադառնում է սլաոնաղմից, իր հետ բերում է «զերի սաստիկ յոյժ»: Նա ուղմագերիներին բաշխում է սլաոնից թագավորին, թագաժառանգին, իր Հրահատ և Սահակ եղբայրներին և էջմիածնի եկեղեցիներին:

Ներսէճը սլաոնից թագավորին տալիս է «զհասարակ գերույն» կեսը, թագաժառանգին՝ «զեաւթներորդ մասն», ոմն Գարիկպետի՝ «զուխներորդ մասն գերույն», սպարապետին՝ «զշորերտասաներորդ մասն գերույն», իր կրտսեր եղբայր Հրահատին՝ «զերեքտասաներորդ մասն գերույն», էջմիածնի եկեղեցիներին՝ «զվեշտասաներորդ մասն գերույն», հայ աղատներին՝ «զիններորդ մասն», իր Սահակ եղբորը՝ «զքսաներորդ մասն գերույն», իրեն թողնում է՝ «հինգ հարեւր և եաթանասուն անձն...»⁹:

Հովհ. Դրասխանակերտցին, Մատթեոս Ուռհայեցին, Վարդան Բարձրբերդցին, Մ. Գոշր և ուրիշներ թողել են է՛լ ավելի ուշագրավ վկայութիւններ սլաոնաղմների միջոցով ռազմագերի-ստրուկներ ձեռք բերելու կարգի մասին: Հայաստանից անշափ գերի-ստրուկներ են տանում արարները, սելջուկ-թուրքերը և օտար այլ բռնադատիչներ:

Սեբեոսը, Հովհ. Դրասխանակերտցին և Վ. Բարձրբերդցին վկայում են, որ երբ արարները դրավեցին ու ասպատակեցին Հայաստանը, միայն Դվին քաղաքից տարան շուրջ 35 000 գերիներ: «Ներսուն և հինգ հազար ողի գերեցին վաճառակւոր լինել, և անցեալ զնացին՝ ընդ որ չուեալ երկիրն յԱսորեստան»¹⁰: Սելջուկ-թուրքերը, վկայում է Մ. Ուռհայեցին, ասպատակելով «հրդակաւոր և բազմամրոխ քաղաքն հայոց՝ որ կոչի Արծն», գերում և «ի գերութիւն յաշխարհն սլաոնից յանդին ծառայութիւն» տանում են մեծ թվով գերիներ¹¹:

Պատերազմների, ռազմական արշավանքների ճանապարհով ռազմագերի-ծառա-ստրուկների ձեռք բերման այս եղանակն այնքան տարածված է եղել միջնադարյան Հայաստանում, որ Մ. Գոշր ստիպված այդ առթիվ սահմանել է հատուկ կանոններ:

Եթե թագավորն,— ասում է Գոշր,—անձամբ մասնակցում է ռազմական արշավանքին, ստանում է ուղմագերիների և ավարի կեսը, իսկ եթե ոչ՝ 1/3 մասը:

«Բայց ասելի է,—սահմանել է մեր օրենսդիրը,—զօրինակ բաժանման գերույն ևւ ասարին: Եթէ սլաոահիցի երթալ յաւար թագաւորի ամենայն զօրօք, զրոշիւր և փողովք յաշխարհ թշնամեաց և աւար առեալ զարձցի... գերույն և աւարին կէսն թագաւորի լիցի և տասանորդ իցէ յեկեղեցիս. և ի կիսոյն—զօրացն»: Բայց եթե թագավորն անձամբ սլաոնաղմին չի մասնակցում

⁸ Եղիշե, «Պատմութիւն Վարդանանց», Թիֆլիս, 1913, էջ 173:

⁹ Ա. Արքա համյան, Ա. Նիրաչացու մատենագրութիւնը, Երևան, 1944, էջ 230:

¹⁰ «Յովհաննու կաթողիկոսի Դրասխանակերտցոյ Պատմութիւն Հայոց», Թիֆլիս, 1912, էջ 82, 247, Հմմտ. «Պատմութիւն Սեբեոսի եպիսկոպոսի ի Հերակն», Թիֆլիս, 1913, էջ 176, «Մեծին Վարդանայ Բարձրբերդցոյ Պատմութիւն տիեզերական», Մոսկվա, 1861, էջ 53:

¹¹ «Մատթևոսի Ուռհայեցոյ ժամանակագրութիւն», Վաղարշապատ, 1898, էջ 103—104, 134, 141, 217 և հմտ:

ստանում է «ի զերույն և յաւարէն տասանորդն...»: Ավարի և ռազմագերիների բաշխման և մասնահատման այս կարգը, ասում է Գոշը, պետք է տարածել նաև իշխանների վրա: Առանձին իշխաններն էլ պետք է ռազմավարն ու գերիներին բաշխեն նույն կարգով: «Իւրաքանչիւր իշխանն զնոյն բաժին արասցեն, և նորա եւս նախ տասանորդեսցին յեկեղեցիս իւրաքանչիւր»¹²:

Մառա, աղախին-ստրուկի առաջացման ոչ պակաս կարևոր աղբյուրներից մեկն էլ, այսպէս կոչված, ծառա, աղախին-ստրուկների «պտուղն» էր: Պատմական սկզբնաղբյուրների վկայություններից ակնհայտ է դառնում, որ անաղատ քաղաքացիներից, ծառա, աղախին-ստրուկներից և նույնիսկ սրանցից և աղատ քաղաքացիներից ծնված երեխաներն անցնում են տերերին, որպէս նրանց ծառաները:

Ասորա-հռոմեական, Սմրատ Գունդստարլի և Մ. Գոշի դատաստանագրքերում այդ մասին սահմանված են մի շարք ուշագրավ կանոններ:

«Եթե ծառայ աղատի և մնայ ընդ իշխանութեամբ տեառն իւրոյ անձնիշխան,—սահմանված է Ասորա-հռոմեական Դատաստանագրքի 11-է կանոնում,— և առնու կին յաղախնեաց տեառն զկնի աղատութեանն, և ի ծնունին ի նմանի որդիս, ոչ ժառանգին զնա որդիս աղախնոյն, այլ ժառանգ լիցի նմա, որ ազատեացն զնա»¹³:

Սմրատ Գունդստարլին իր «Վասն ծառայից և որ չկարէ ոք զծառայն ժառանգ զնել» (ՃԽԶ) կանոնում անդրադառնալով այս նույն հարցին գրել է, որ եթե որեւէ անձնավորութիւն խիստ կարիքից զրկված կնոջով և որդիներով ծառայագրվել է տիրոջ մոտ, ապա ծառայութեան սահմանված ժամկետը լրանալուց հետո ծառային իրավունք է վերադառնալով «կնկով ելնէ (ծառայութիւնից—Ս. Հ.) և որդովք. և թէ ինքն՝ մէն»: Բայց եթե ծառայագրված ծառան «կարգեալ լինայ զինք զնաւոյն, ու որդիք էլ ուննայ նա այն զնաւոյնն»¹⁴:

Տիրոջ լիակատար սեփականատիրական իրավունքը ծառաների, նրանց բնտանիքի անդամների նկատմամբ իր արձագանքն է դտել նաև Մ. Գոշի Դատաստանագրքում: Եթե քրիստոնյա տերը գնում է քրիստոնյա ծառա, սահմանել է Գոշը, ապա նա պարտավոր է ծառային աղատել ծառայութիւնից «վեց ամ» կամ «ըստ գնոյ իւր» ծառայելուց հետո: Եթե ծառան ինքը մենակ է մտել ծառայութեան մեջ, ապա «միայն ելցէ, և եթէ կնաւ հանդերձ մտեալ իցէ—ելցէ և կինն ընդ նմա»: Սակայն եթե տերը «տացէ նմա կին և ծնանիցի նմա որդիս և դստերս, կինն և որդիքն տեառնն նորա եղիցին, և նա միայն ելցէ»¹⁵:

Ծառայութեան սահմանված 6 տարի ժամկետը լրանալուց կամ «ըստ գնոյ իւր» ծառայելուց հետո աղատագրված ծառան զրկվելով բնտանիքից և չկարողանալով փրկավճարով ետ զնել կնոջը, երեխաներին, հաճախ հարկադրված էր լինում կրկին մնալ ծառայութեան մեջ:

«Ապա թէ,— ամփոփում է օրենսդիրը,— պատասխանի տուեալ ասիցէ ծառայն—սիրեցի դտէր իմ և զկին իմ և զորդիս իմ և ոչ զնասցէ յաղատու-

12 Մ. Գոշ, Դատաստանագիրք, էջ 311—312:

13 Ասորական Դատաստանագիրք, ձեռագրերի համեմատությամբ լույս տեսնեց Ա. Ղըւստրճյան, էջմիածին, 1917, էջ 17:

14 С. М. Бат Спарамет, Сутебник, Ереван, 1958, էջ 132:

15 Մ. Գոշ, Դատաստանագիրք, էջ 335:

Քինն, տարցի դնա տէր իւր յեկեղեցի Ռստուծոյ եւ քահանայիւր եւ հաւատարիմ վկայիւր ե զրոյ առցէ դնա (անկասկած ընտանիքի հետ միասին—Ու. Հ.) ծառայ յաւիտեան»¹⁶։

Ծառա-ստրկության ոչ սլակաս կարեոր աղբյուրներից էր նաև արտադրամիջոցները, հողակտորները կորցրած խիստ կարիքավոր կամ անվճարունակ պարտատերերի դրության մեջ ընկած մարդկանց եւ սրանց որդիների առքն ու վաճառքը։ Այս երևույթն այնքան տարածված էր հին Արևելքում, հին եւ միջնադարյան Հայաստանում, որ սկզբնաղբյուրներում այն դատապարտվում է որպես հասարակական շարիք։

«Եթէ,—ասված է Հին Կտակարանի հատվածներից մեկում,—տնանկեսցի ղեղրայր բո առ քեզ, եւ վաճառեսցի Բեզ, մի ծառայեսցի քեզ զծառայութիւն ստրկի իւրեւ զվարձկան...։ Մի վաճառեսցի ի վաճառս ստրկի՝ եւ մի տառապեցուցիս դնա ընդ աշխատութեամբ»¹⁷։

Քնման եղանակով ծառա, սպասավոր-ստրուկներ ձեռք բերելու ղեկընձն այնքան մասսայական էին դարձել, որ նույնիսկ Յայսմավուրբը խրատական կանոններով արգելում է տերերին այդ եղանակով ազատ մարդկանց ծառա-աղախին դարձնել։ «Քնոց ասէ դնացեալք մի լինիք ծառայր մարդկան»¹⁸։

Շահապիմանի հայտնի ժողովում, Ներսես կաթողիկոսի եւ Ներշասյուհ Մա-միկոնյանի կողմից մշակված կանոններում իրավունք է վերապահված ոչ միայն ձեռք բերել «արծաթագին» ծառա-աղախիններ, այլև վաճառել «հանցապարտ» կանանց, պարտքերը ժամանակին չմարող ազատ քաղաքացիներին։ «Եթէ,—ասված է Շահապիմանի ժողովի Զ կանոնում,—որ կին յառնէ կանիցէ, կայցեն եւ անդրէն յայր իւր տացեն...»։ Եթէ ամուսինն ապագուցեց, որ կինը իրեն լքել է անբարոյականության պատճառով, ապա նա իրավունք ունի կնոջը կամ «յաղախնութիւն կայցի» կամ թե «վաճառեսցի»¹⁹, Ներսես կաթողիկոսը եւ Ներշասյուհ Մամիկոնյանը խիստ կերպով արգելում են հողերականներին ձեռք բերել «արծաթագին» աղախիններ։ «...Մի առծարագի՛ն աղախնաւս առանալ եւ կամ ի կապենաց սրտեկաց ի տունս տանել զգարչէիսն, զոր ոչ հրամայեն օրէնք»²⁰։ Նրանք դատապարտում են նաև այն առևտրական-վաճառականներին, որոնք իրենց զահեկանները տալիս են բարձր տոկոսներով եւ ժամանակին պարտքը չմարող քաղաքացուն վաճառում են «որպէս ծառայս...»²¹։

Հովհան Մանգակունու «Կասն փոխոց եւ վաշխից» ձառում պահպանվել է հեռակալ ուղադրամ վկայությունը. «Ձուարթերես» կեղծավոր փոխատուն,—ասում է հեղինակը,—«տեսանելով զչքսւշրութիւն եւ դտարակուսութիւն պարտապանին՝ ոչ ողորմի, եւ ոչ երդմանն հաւատալ մաղթողին, ոչ խոնարհի յառաջանս վարանեցելոյն, այլ զժոխեալ անխոնարհելի եւ անհաշտ, եւ իւր ծառայ զփոխառուն համարի փոխատուն»²²։

16 Մ. Գ. Գ. 2, Դատաստանագիրք, էջ 335—336։

17 Ղեա, ԻԵ, 34։

18 Յայսմավուրբ, Կ. Պոլիս, 1834, հատ. 11, էջ 143։

19 Կանոնագիրք Հայոց, Քիֆլիս, 1914, էջ 65։

20 Նույն տեղում, էջ 115։

21 Նույն տեղում, էջ 108։

22 «Յովհաննու Մանգակունույ Հայոց հայրապետի, Քաղբք, Կենեաթիկ, 1869, էջ 65—66։

Այս հատվածից ակնհայտ է, որ իրեն ծառայության և ստրկության է հանձնում երբեմնի աղատ այն մարդը, որ չի կարողանում վճարել ստացած «փոխն»։ Վաղ ֆեոդալիզմի շրջանից եկած այս ստրկության անխախտ կերպով անցնում է նաև միջին դարերին։

«Եթէ դնէ մարդ գեաւդ կամ ծառայ կամ այլ ինչ յանուն...—սահմանված է Ասորա-հոռմեական Դատաստանագրքի ԺԴ և ԾԸ կանոններում,—...ունի ի վերայ նորին իշխանութիւն»²³։

Մ. Ուռհայեցին խոսելով 1032 թ. սաստիկ սովի մասին գրել է, որ «...բազումք ի մարդկանէ մեռանէին յերեսաց սովոյն և բազումք վաճառէին զկանայս և զորդիս իւրեանց յաղագս կարօտութեանց հացի»²⁴։

Մ. Գոշը իր Դատաստանագրքում սահմանել է հատուկ կանոն կարիքավոր մարդկանց ստրկության վաճառվելու կարգի մասին։ «...Իսկ եթէ պատահի,— գրել է օրենսդիրը,— ումեք վաճառել զպուտուր իւր քստ ուրում և իցէ պատճառի յաղախնորիւ...», ասլա աղախին գնած տերն իրավունք չունի նրան վաճառել օտարազգի մարդկանց։ Նա կարող է նրան վաճառել միայն քրիստոնյաներին կամ աղատ արձակել «չափով գնոյ իւրոյ» կամ 6 տարի ծառայելուց հետո միայն²⁵։

Այս կանոնը Գոշից անցել է Սմբատ Գունդստարի Դատաստանագրքին։ Սմբատն իր այդ կանոնը վերնագրել է «Վասն որ զիւր դուստրն ծախէ վասն ողխաւորեան»։

«Եթէ,— սահմանված է Դատաստանագրքի ճիշդ կանոնում,— ոք զիւր դուստրն վասն աղքատութեան ծախէ քրիստոնէի՝ նա կարէ զէդ ծառա մի ուննալ զինք. բայց չկարէ յանարէնքի ծախել. և յորժամ կարենան ծնաւորքն կամ ազգն վճարել զսլարտքն՝ նա աղատ է»։ Սակայն եթե ծնողները կամ հարազատները չեն կարողանում ժամանակին վճարել փրկավճարը, ապա գնողին իրավունք է վերապահվում աղախնուն «ճորտոյ տալ» կամ թե ստիպել, որ նա ծառայի 6 տարի, որպեսզի իր «գինն հանէ»²⁶։

«Աղախնութեան», «սպասաւորութեան», «ծառայութեան» կարող էին վաճառել նաև այն կանանց, որոնք անբարոյական էին կամ լքում էին իրենց ամուսիններին։ «Կին որ առանց եկեղեցւոյ և առանց հրամանաց և մեծ պատճառանաց... թողու զայրն ու փախչի՝ նա իրաւունք է, որ բռնէն զինք և ի յիւր այրիկն տան, որ յաւիտեան ծառայ ուննայ զինքն...»։ Բայց եթե ապացուցված է, որ կինն ամուսնուն լքել է անբարոյականության պատճառով, ապա ամուսինը ոչ միայն իրավունք ունի նրան դարձնել իր «յաւիտեան» ծառան, այլև վաճառել։ «Ասլա հրամայված է յարէնքս, որ ծախել այլ կարէ զինքն այրիկն»²⁷։

Օրենսդիրներն իրավունք են վերապահում «ծառայութեան», «սպասաւորութեան», «աղախնութեան» վաճառել «խռովարար», «խռովասեր» մարդկանց, սրանց որդիներին, «հանցապարտներին», «գողերին», «ավաղակներին», «մարդասպաններին», «այլազգիներին» և այլն²⁸։

23 «Ասորա-հոռմեական Դատաստանագրք», էջ 19, 44։

24 Մ. Ուռհայեցւոյ ժամանակագրութիւն», էջ 64։

25 Մ. Գոշ, Դատաստանագրք, էջ 336։

26 С мѡат С парает, Судебник, էջ 133։

27 Նույն տեղում, էջ 105։

28 Մ. Գոշ, Դատաստանագրք, էջ 311, 337։

Սմբատ Գունդատաբլը սահմանելով հայ թագավորների իրավունքներն ու պարտականությունները, նրանց իրավունք է վերապահել ասպատակել կենտրոնախույս միտումներ ունեցող հայ մեծամեծ իշխանների, ազնվականների ամրոց-բերդերը, իսկ բնակչությանը գերել և վաճառել: «Զբերդատուքն և զայն-պիսիքն անհնար պիտի սպանեն և զկիսն և զորդիսն ծառայ տայ ի դարպասն և կարէ ծախել...»²⁹:

Ծառա-աղախիսիների առաջացման մասին մի շարք ուշագրավ վկայություններ թողել է Գր. Տաթևացին: Նրա կարծիքով «Ի բազումս բաժանին աղքատաց դասք»: Ինչպես որ հոգևոր հիերարխիան բաժանված է «եօթն դասի», այնպես էլ աղքատների «դասքն» ստորաբաժանված է «եօթն» մասի: Նախ ծառա-աղախին են դառնում բոլոր նրանք, ովքեր «ի բնէ ծնողաց կարօտն են րնչից և պակաս և տնանկ», ովքեր «ի մեծ տանէ անկեալ» են և «չբաւորեալ», «որք ևն և ալբեր», ովքեր «բանդեալ» են գերի և «ստրուկ, որք կարօտ են յազատութեան»:

Ծառա և աղախին են դառնում նաև նրանք, ովքեր «կարօտ են յարկի և հայրենեաց»: Բացի այս ծառա-աղախիսիներից կան նաև այնպիսի մարդիկ, որոնք ոչ «գերեալ» են «սրով... ոչ գնեալ և ոչ վարձեալ, այլ միշտ ծառայ» են:

«Այս եօթն տեսակք են աղքատաց և սորայ են ողորմելիք...» եղբայրակում է Տաթևացին³⁰:

Արդ, ընդունելով ծառա-աղախիս-ստրուկների առկայությունն ու լայն տարածումը զարգացած ֆեոդալական արտադրահարաբերությունների շրջանը թեակոխած Հայաստանում, բնականաբար հարց է առաջանում՝ ի՞նչ իրավունքներ ու պարտավորություններ ունեին նրանք, ինչպիսի՞ դեր էին խաղում ժողովրդական տնտեսության մեջ: Նախօրոք պետք է նշենք, որ վաղ ֆեոդալիզմի շրջանից հայտնի «ի ստրկաց կարգի ծառայութիւն», «ծառայութիւն ստրկութեան» տերմինները չքանում են միջնադարյան սկզբնադրյունների էջերից: Սրանց փոխարինելու են գալիս «աղախնութիւն», «ծառայութիւն», «սպասաւորութիւն» բառերը: Եթե նախորդ, վաղ ֆեոդալիզմի շրջանում «ի ստրկաց կարգի ծառայութիւն» կամ «ծառայութիւն ստրկութեան» բառերն արտահայտում էին արեւելյան, ընտանեկան, նահապետական, ստրկատիրական հարաբերություններ, ապա միջնադարյան Հայաստանում ծառա-ստրուկների աշխատանքն աստիճանաբար կորցնում է իր նախալուծ նշանակությունը և «ի ստրկաց կարգի» կամ «ծառայութիւն ստրկութեան» բառերի փոխարեն գործածական են դառնում «աղախնութիւն», «սպասաւորութիւն» և ընդհանրապես «ծառայութիւն» տերմինները:

2. Ծառա-աղախիսների իրավունքներն ու պարտավորությունները: Միջնադարյան ծառա-աղախիսներն իրենց քաղաքացիական իրավունքներով զրկված էին հին դարերի ստրուկներին գրեթե հավասար պայմաններում: Ինչպես հին շրջանում, այնպես էլ միջնադարում ծառա-աղախիսները ծառայության պարտադիր ժամկետը լրանալուց առաջ առանց տեբերի համաձայնության չէին կարող ազատագրվել ծառայությունից, վարել պետական կամ հոգևոր պաշտոններ, ամուսնանալ, հանդես գալ դատարաններում: Ավելին, տեբերի սե-

²⁹ Смбат Спарамет, Сурбунук, էջ 10:

³⁰ Գր. Տաթևացի, Գիրք քարոզչութեան որ կոչի Ամառան հատոր, Կ. Պոլիս, 1741, էջ 359—360:

փականատիրական իրավունքը տարածվում էր ոչ միայն ծառա-աղախիների, այլև նրանց ընտանիքի անդամների վրա: Տերերին իրավունք էր վերապահված ոչ միայն սլատժել, խոշտանգել և սպանել «զոդ», «հանցապարտ», «խռովաբար», «խռովասեր» ծառաներին, այլև բռնազրավել նրանց կայքը, զույքը, տունը: Զանազան եղանակներով ձեռք բերված ծառա-աղախիներին տերերը կարող էին վաճառել, նվիրել, կտակել, ետ գնել և այլն:

Միջնադարյան մատենագիրները հայ Ֆեոդալական հասարակության ամենաստորագրաւ աստիճանին են դնում «անազդիք», «զանրան կենդանիների» վիճակի մեջ ընկած ծառա-ստրուկներին:

Ծառա-աղախիները, հարում են մեր մատենագիրները, դատաստանագրքերի հեղինակները, ոչ միայն իրենց աշխատանքով, այլև «բնութեամբ», «ծագումով», «ծառայք են մարդկան»³¹։ Շնորհալին ամեն կերպ ջանում է կարգավորել «հատեաք» ծառաների ու տերերի փոխհարաբերությունը, որոշել ծառաների պարտավորություններն ու իրավունքները: Դիմելով աշխարհիկ և հոգևոր ֆեոդալներին Շնորհալին պատվիրում է. «Մի որպէս դանբուն կենդանիս՝ որ բնութեամբ ծառայք են մարդկան, ծառայեցուցանէք զմարդիկ՝ որ ընդ իշխանութեամբ ձերով լինին՝ ի գործ խիստ և աններելի... և զայն՝ տուանց կերակուր տալոյ նոցին, այլ ներելով և քաղցրութեամբ և սակաւօրեայ ժամանակաւ, և առատագոյն կերակրօք լցուցանել զնոսա յաշխատութիւն տնդր... որպէս զի կարօղ լինիցին վաստակօք իւրեանց զաղքատանաց կեանս զտանց և զորդոց իւրեանց լցուցանել...»³²։ Շնորհալին առում է, որ ծառաները, հպատակները տրտնջում են ոչ այնքան «ծանր և դժվարակիր» աշխատանքներից, որքան տերերի կամայականություններից, «չար և անիրաւ» գործակալների ու դավառապետների շահատակություններից: «Մի անիրաւարար վարիք առ հնազանդեալսդ ծանր և դժուարակիր հարկադրութեամբ, զոր ոչ կարեն բառնալ, այլ օրինօք դատեցէք... մի անհնազանդ լինիք օրինացն...», որովհետեւ առանց այդ էլ «ծառայք զկամս հրամանի ձերոյ հնազանդութեամբ և անթերի կատարեսցեն...»³³։

Դատաստեւելով չար, նենգամիտ, ազահ, ոճրագործ տերերին, Շնորհալին միաժամանակ պատվիրում է ծառաներին հնազանդ ու անթերի ծառայել ոչ միայն քրիստոնյա, այլև «կռապաշտ» տերերին³⁴։

Ասորա-հռոմեական, Դավիթ Ալալկա բորու, Մ. Գոշի, Ս. Գունդատարլի դատաստանագրքերում, մատենագրական երկերում և ձեռագիր աղբյուրներում սլահսլանվել են մի շարք կանոններ, դրույթներ, փաստեր, որոնք նույնպէս իրավական կարգավորման ներքո են առնում տերերի և ծառաների մեջ ստեղծված փոխհարաբերությունները, որոշում ծառաների իրավունքներն ու պարտավորությունները:

Ասորա-հռոմեական Դատաստանագրքի ԺԴ, ԾԺԲ, ԶԱ կանոններում սահմանված է հետևյալը. «թէ ոք տայ մարդոյ դեաւղ կամ ստացուած... կամ տուն կամ ծառայ, և տայ նմա թուղթ հաստատութեան, իշխանութիւն ունի այնուհետեւ տիրել նմին, որով սլատուեցաւ և ստանայ, և սեփականեալ վայելէ...»³⁴։

31 «Թուղթ ընդհանրական արարեալ երիցս երանեալ սուրբ Հայրապետին մերոյ տեառն Ներսիսի Շնորհալոյ» էջմիածին, 1865, էջ 94։

32 Նույն տեղում, էջ 92—93։

33 Նույն տեղում, էջ 105։

34 «Ասորա-հռոմեական Դատաստանագիրք», էջ 45։

Որ տերերն իշխանություն ունենին ծառա-աղախինների, սրանց ժառանգ-
ների անձի նկատմամբ, այդ ասպաղուցում են նույն Դատաստանագրքի ԺԽ,
ԺԼ, ԼԵ, ԼԶ և մյուս կանոնները:

Այս կանոններով օրենսդիրն իրավունք է վերապահել կրկին ետ ստանալ
նույնիսկ ազատագրված ծառաներին, բռնադրավել նրանց գույքը: «Եթէ որ,—
ասված է ԺԽ կանոնում,—ազատէ զծառայս, կարող է դարձեալ առնուլ
յետս...»³⁵ սլայմանով, եթե վկաների ներկայությամբ ասպաղուցի, որ նա իր
նախկին և իր կողմից ազատագրված ծառան է:

Տերը, սահմանված է ԺԸ կանոնում, պարտավոր է ուղատագրել իս իր ծա-
ռային հանձնել նրա «զստացուածս և զինչս...», բայց եթե ազատագրողը ազա-
տագրման կտակում չի հիշատակում, որ նա ծառաներին ազատագրել է նրանց
գույքի հետ միասին, ապա տերերի մահից հետո՝ նրա ժառանգներն իրավունք
ունեն՝ «առնուն զամենայն ինչս ազատ ծառային՝ ժառանգիչը ազատողին»³⁶:

Ծառա-աղախինների վաճառքի և առքի ժամանակ, ասված է ԼԵ և ԼԶ կա-
նոններում, վաճառողի և գնողի միջև պետք է կնքվի հատուկ պայմանագիր,
ուր պետք է հիշատակվի, որ վաճառված ծառան, «ոչ է փախչող», «բարեմիտ» է
ու «անարատ»: Վաճառողը գնողին պարտավոր է «տալ համբերութիւն զամիս
վեց առ ի փորձել զնա...»: Բայց եթե գնող տերը այդ ժամանակամիջոցում
ծառայի մոտ հայտնաբերում է որևէ «սրատ» կամ ծառան լքում է նոր տիրոջը,
ապա գնողն իրավունք ունի՝ «խնդրել և գտանել և տալ յառաջին տէրն և ապա
առնուլ զգին իւր»³⁷:

Չնայած դատաստանագրքի հեղինակն իրավունք է տալիս ծառայություն-
նից ազատագրել ծառաներին, բայց սահմանում է մի շարք արգելակող հան-
գամանքներ: Նախ, տերերին իրավունք է վերապահվում ազատագրել ոչ բո-
լոր ծառաներին: Այնուհետև, ծառայությունից չեն ազատագրվում նրանց երե-
խաները: «Եթէ որ առնէ կտակ,—սահմանված է ԺԶ կանոնում,— եթէ առողջ
և եթէ հիւանդ, և եթէ ազատել զծառայս իւր, թէ մի և թէ երկուս, կարող է
ազատել. և եթէ Դ են, զերկուսն պարտի ազատել և ի հնգէն ցտասն՝ զկ'սն
պարտի թողուլ և ի տասէն ցերեսունն՝ զմին յերեցն թողուլ և յերեսունէն ցհա-
րիւրն՝ զմին ի չորից կաջող է թողուլ... Իսկ եթէ որ առնէ կտակ և գրէ ազատ
զամենայն ծառայս իւր, մնան ամենեւեմ ծառայ ժառանգացն»³⁸: Բայց եթե
ազատագրված ծառան իրեն հոժար կամքով ցանկություն է հայտնում «մնայ
ընդ իշխանութեամբ տեառն իւրոյ անձնիշխան» և ամուսնանում է տիրոջ աղա-
խիններից մեկի հետ, ապա սրանցից ծնված որդիները՝ «ծառանդ լիցին նմա,
որ ազատեցն զնա»³⁹:

Նույնիսկ ազատների դասին պատկանած անձը, եթե ամուսնանում է
ծառաների կամ աղախինների հետ և բնակություն է հաստատում «ի տունն
տեառն նորա», ապա տերը իրավունք ունի՝ նրան դաշել «յաղախութեան»,
«ծառայութեան»:

35 «Ասորա-հոմեական Դատաստանագրք», էջ 13:

36 Նույն տեղում, էջ 12:

37 Նույն տեղում, էջ 16—17:

38 Նույն տեղում, էջ 12:

39 Նույն տեղում, էջ 17:

Բայց եթե աղատների դասին պատկանած մարդիկ հրաժարվում էին մտնել «յաղախնություն» կամ «ծառայություն» կամ չէին ցանկանում «դրել դանձն իւրեանց ի ծառայութեան», ապա նրանցից ծնված երեխաները մնում էին տիրոջ մոտ որպէս ծառաներ. «Կին, որ ամուսնանայ առն ծառայի, եւ բնակի ի տուն տեառն նորա, աղախին լինի ինքն եւ որք ծնանին ի տան տեառն իսկ եթէ ոչ կամի դրել դանձն իւր ծառայութեան, ելանէ ինքն և մնան որդիքն ի ծառայութեան»⁴⁰։ Եթե որեւէ ծառա «սիրէ զկին ոք, որ աղատ է, եւ ընդունի զկինն ի յարկս տեառն իւրոյ... իշխանութիւն ունի տէրն յօրինացս քաշել զկինն յաղախնութիւն իւր»⁴¹։

Դավիթ Աւարակ որդին իրավունք է վերապահել տերերին որոնել, հետ բերել և նույնիսկ սպանել «հանցաւարտ» ծառաներին. «Այլ թէ յանցաւորութեամբ լինի ծառայ իրախուցեալ ի տեառնէ... և տէր նորա հետամուտ եղեալ մինչ գտանիցէ՝ սպանիցէ, թագուցանել պարտ է և բազում հնարիւք ջանալ մինչև զերծցի...»⁴²։

Մ. Գոշն իր «Յաղագս դատաստանաց ծառայից և աղախնաց սպանելոց ի տէրանց» և «Յաղագս դատաստանաց ծառայից և աղախնաց հարուածոց ի տերանց» կանոններում գտնում է, որ ծառա-աղախիններին խոշտանգող, խեղանդամ դարձնող կամ թե սպանող տերերը դատական պատասխանատվութեան կարող են ենթարկվել միայն այն դեպքում, եթե ծառա-աղախինները մահանում են հարված ստանալու օրը։ Բայց տերերը աղատվում են դատական պատասխանատվությունից, նույնիսկ տուգանքներից, եթե ծառաները մահանում են մեկ կամ երկու օր հետո, եթե տերերն ապացուցում են, որ մահացած ծառան հանցաւարտ էր կամ «յապստամբութիւն» հրահրող։

«Եթէ ոք հարկանէ զծառայ իւր կամ զաղախին իւր գաւազանաւ եւ մեռցի ի ձեռանէ նորա, դատաստանաւ վրէժխնդրութիւն լիցի ի տերանց...: Բայց եթե մի օր կամ՝ երկուս կեցցե, մի խնդրիցի վրէժն, զի զինք արծաթոյ իւրոյ են»⁴³։ Եթե տերերի հարվածների հետևանքով կուրանում կամ ատամներից զրկվում են ծառաները, ապա տերերը պարտավոր են աղատագրել ծառա-աղախիններին «փոխանակ ական նոցա... փոխանակ ատաման նոցա...»⁴⁴։

Նույնպիսի կանոններ գտնում ենք «Համառօտ մեկնութիւն դրոցն արարածոց, հաւաքեալ ի մեկնութիւնէ Վարդանայ վարդապետի առն հոգելի և իմաստնոյ, աշխատութեամբ Գրիգորի Վարդապետի» աշխատության մեջ։ Եթե որեւէ մեկը, ասված է չէ կանոնում. «հարկանէ զծառայ իւր կամ զաղախին իւր և մեռանիցէ», նա պարտավոր է վճարել միայն սպանվածի «զգին արեան», բայց եթե հարված ստացած ծառա-աղախինը մահանում է մեկ կամ երկու օր հետո, ապա «մի խնդրեսցի վրէժ ատեանէ զի զինք արծաթոյ իւրոյ են»։ Այս աշխատության չէ կանոնում ասված է, որ տերերը կարող են աղատագրել միայն հիվանդ, կույր և խեղանդամ դարձած ծառա-աղախիններին։ «Եթէ,—ասված է այդ կանոնում,—հարկանէ ոք զակն ծառայի իւրոյ և կուրացուցէ զնա, աղա-

⁴⁰ «Ասորա-հոսովական Դատաստանագիրք», էջ 33։

⁴¹ Նույն տեղում։

⁴² Մատենադարան, ձեռ. № 5607, էջ 207ա։

⁴³ Մ. Գոշ, Դատաստանագիրք, էջ 340—341։

⁴⁴ Նույն տեղում, էջ 343։

մի մասը մասնահատվել է տիրոջը, իսկ մյուս մասը՝ իշխանին: Հետևաբար ծառան պետք է ունենար զույք, որպեսզի հանցանքի դեպքում այն բռնագրավվեր: Մառա-ստրուկներին իրավունք է վերապահվել «սլարոնին գիտենալովն և կամովն» ձեռք բերել շարժական և անշարժ կայք: «Եթե ծառայ որ ինչս կամի գնել,—սահմանված է Ասորա-հոռմեական Դատաստանագրքում,— տեառն իւրոյ հրամանաւ իշխան է առնել» կամ «յորժամ որ ծառայ իւր ազատէ, պարտ է զստացուածս և զինչս իւր աղատել ընդ նմին...»⁴⁸:

Մառաները ոչ միայն իրավունք են ունեցել գնել որոշ կայք, այլև ժառանգել տերերի կարողությունը:

«Եւ թէ գրէ կտակ (տերը—Ս. Հ.), և զիւր ծառայն իւր ժառանգ գնէ՝ նա կարաւղ է հայրն զանհնազանդ որդիսն զրկել, և ծառայի տալ ըստ իր կամաց...»⁴⁹:

Այս առումով ավելի ուշագրավ է Ա. կանոնը: Այստեղ ասված է, որ եթե ալլաղդի մարդը սպանում է քրիստոնյային և դրամ չունի արյան գինը վճարելու համար, ապա պետք է վաճառեն նրան իր տան և կայքի հետ և վճարեն փրկավճար: «Եւ որ այսօր ուժ չուննայ՝ որ վճարէ՝ նա ծախեն զինքն ու զիւր ատենն և զինչ ուննայ ու ի գինն տան, զարդ ի կնկնէն ու ի յորդեցն»⁵⁰:

Մեր օրենսդիրների մոտ կան մի շարք կանոններ այն մասին, որ միջնադարյան ծառա-աղախիկներն ունեին նաև որոշ քաղաքացիական իրավունքներ և զրանով իսկ տարբերվում էին հին դարերի ստրուկներից:

Մխիթար Գոշը սահմանել է հետևյալ ուշագրավ օրենքը: Եթե տերերը, ասում է Գոշը, գնել են ծառաներ, ապա ծառաները «ըստ օրինացն վեց ամ» ծառայելուց հետո «յեօթներորդ ամին» կարող են դուրս գալ ծառայությունից կամ նրանք կարող են ազատագրվել ծառայությունից «ըստ գնոյ» իրենց, ծառայելուց հետո: Եթե ծառան մենակ է ծառայագրվել, կարող է մենակ դուրս գալ, իսկ «եթէ կնաւ հանդերձ մտեալ իցէ, ելցէ և կինն ընդ նմա»: Մառայագրված ծառան իրավունք ունի «փրկանօք» ազատագրել ոչ միայն կնոջը, այլև որդիներին: Մառան նույնիսկ իրավունք է ունեցել փրկավճարով ազատագրել տիրոջ տանը ծնված երեխաներին և տիրոջ կողմից իրեն տրված կին-աղախուն: «Այա թէ տէր իւր տացէ նմա կին եւ ծնանիցի նմա որդիս եւ զստերս, կինն եւ որդիքն տեառնն նորս եղիցին, եւ նա միայն ելցէ. փրկանօք ելցեն եւ նորս»⁵¹:

Այս կանոնն ուշագրավ է մի շարք առումներով: Այստեղ ծառան իր սոցիալական դրությամբ տարբերվում է ստրուկից: Նա ոչ թե հարկադրաբար, այլ կամովին կարող էր ծառայագրվել որպես «յաւիտեան ծառայ»: Օրենսդիրների մոտ կան ավելի կարևոր հատվածներ այն մասին, որ միջնադարյան ծառան իր իրավական դրությամբ տարբերվում էր ստրուկից և զրված էր ավելի բարենպաստ պայմաններում:

Եթե որեւէ մեկը, սահմանել է Դոշը, նյութական խիստ կարիքից զրգված իր զստերը վաճառում է «յաղախնութեան», ապա գնողն իրավունք չունի նրան կրկին վաճառել: Վաճառված աղախինն աղախնությունից կարող է ազատվել,

⁴⁸ «Ասորա-հոռմեական Դատաստանագիրք», կանոն ԻԷ և ԺԸ:

⁴⁹ С м б а т с п а р а н е т, С у д е б н и к, էջ 109:

⁵⁰ Նույն տեղում, էջ 10:

⁵¹ Մ. Գոշ, Դատաստանագիրք, էջ 335:

երբ նրա հայրը կամ հարազատները վճարում են նրա փրկավճարը կամ երբ նա ըստ իր «չափով գնոյ» ծառայում է տիրոջը⁵²։

Այս նույն կանոնները որոշ փոփոխություններով առկա են Սմբատ Գունդրատարի Դատաստանագրքում. «Եւ թէ որ քրիստոնէ ծառայ զնէ յանարինաց՝ նա ծառայէ զգնաւդն է տարի. և ապա կարէ բաժանիլ յիրմէ, եւ վճարէ զիր գինն։ Եթէ կնկովն լինի մտել՝ նա կնկովն ելնէ եւ որդովք. եւ թէ ինքն՝ մէն»⁵³։

Մեր օրենսդիրներն իրենց կանոններում պատվիրում են պաշտպանել, թաքցնել տերերին լքած ծառաներին։ «Մի մատնեցես զծառայ տեսուն իւրում որ յաւելուցուի քեզ ի տեսունէ իւրմէ. — ասում է Գոշը, — և ընդ քեզ բնակիցէ եւ ընդ քեզ զետեղեսցի յամենայն տեղւոջ ուր եւ հաճոյ իցէ նմա, եւ մի նեղիցէք զնա...»⁵⁴։

Օրենսդիրները հատուկ կանոններով դատական պատասխանատվություն են սահմանել այն տերերի նկատմամբ, որոնք սպանում կամ պատժում են ոչ միայն քրիստոնյա, այլև օտարազգի ծառաներին։ Օտարազգի ծառաները նույնպես կարող են ազատագրվել ծառայությունից 7 տարի կամ «ըստ գնոյ չափով» ծառայելուց հետո։

Ծառաները կարող էին ազատագրվել, ծառայությունից նաև հոգևորականի կողմից ստանալուց հետո։ Ճիշտ է, նրանք կարող էին կարգվել հոգևորականներ, քահանաներ, եկեղեցիների սպասավորներ միայն տերերի նախնական համաձայնությունը ստանալուց հետո։ Բայց այս փաստը նույնպես հաստատում է այն դրույթը, որ ծառաներն օգտվում էին քաղաքացիական որոշ իրավունքներից։

«Զծառայս, — սահմանել է Գոշը, — ի ժառանգաւորութիւն ածել առանց կամաց տերանցն ոչ հրամայեմք... Ապա թէ երբէք արժանի երեւեսցի ծառայն առ ի ձեռնադրութիւն աստիճանի... և թողացուցեն տեարք իւր եւ ազատեսցեն եւ ի տանեն ի բաց առաքեսցեն, եղիցին»⁵⁵։

Օրենսդիրը պահանջում է անհապաղ ծառայությունից և ազախնությունից ազատագրել այն բոլոր ծառա-ազախիներին, որոնք անթերի և «ըստ գնոյ չափով» ծառայել են տերերի մոտ։ Նա խիստ մեղադրում է բոլոր նրանց, ովքեր խախտում են այդ օրենքները, ովքեր ծառաներին ու ազախիներին չեն ազատագրում նույնիսկ 7 տարի ծառայելուց հետո էլ։ Գոշն այս կարգի ծառաներին իրավունք է վերապահում թողնել իրենց տերերին, փախչել «այլուր հաճոյ իցէ» և պատվիրում է ծառաներին ասպատան տվող մարդկանց նրանց «վայրապար» չհանձնել «ի ձեռս» հին տերերին⁵⁶։

Արդ, ընդունելով ծառա-ազախին-ստրուկների առկայությունը միջնադարյան Հայաստանում, որոշելով նրանց իրավունքներն ու պարտավորությունները, ավելորդ չենք համարում կատարել մի շարք ընդհանուր եզրակացություններ։

1. Ընչպես աշխարհի բոլոր երկրներում, այնպես էլ Հայաստանում, ծառա-ազախին-ստրուկության առաջացման աղբյուրներն էին պատերազմները,

52 Մ. Գոշ, Դատաստանագիրք, էջ 336։

53 С м б а т С п а р а п е т, Судебник, էջ 132։

54 Մ. Գոշ, Դատաստանագիրք, էջ 591։

55 Մ. Գոշ, Դատաստանագիրք, էջ 333. հմտ. Սմբատ Գունդրատարի Դատաստանագիրք, կանոն ԺԸ։

56 Նույն տեղում, էջ 391։

գերեվարությունը, մարդկանց առքն ու վաճառքը, ծառաների «պտուղը», նյութական խիստ կարիքը:

2. Միջնադարյան ծառա-աղախին-սպասավորները իրենց վիճակով քիչ էին տարբերվում հին դարերի ստրուկներից: Նրանք, ինչպես ստրուկները, առանց տերերի համաձայնության չէին կարող դուրս գալ ծառայությունից: Այլևհետև, տերերի իրավունքը տարածվում էր ոչ միայն ծառաների, այլև նրանց բնտանիքի անդամների վրա: Զանազան եղանակով ձեռք բերված ծառաներին նրանք կարող էին վաճառել, նվիրել, կտակել, ազատազրել և ետ դնել:

3. Քանի որ հայկական ֆեոդալական հիերարխիան խարսխված էր շինական դուռը աշխատանքի և ստեղծած արդյունքների շահագործման վրա, հետևաբար ծառա-աղախին-ստրուկների աշխատանքը մնաց մեղ մոտ անմիջական սպառողական բարիքների արտադրության ստադիայում միայն: Միջնադարյան ծառա-աղախին-ստրուկները աշխատում էին որպես նաժիշտներ, դաշակներ, կառավարներ, մառանապետներ, մատուլակներ, պարտիզպաններ, վերակացուներ, գործակալներ: Կային նաև արհեստավոր-ծառաներ, դարբիններ, հյուսներ, ջուլհակներ, կոշկակարներ և այլն: Մառա-աղախինները մի մասն էլ աշխատում էր հողատեր-ֆեոդալների կալվածներում, խնամում նրա անասունները:

4. Ֆեոդալական հարաբերությունների դարգացման հետևանքով պատմական սկզբնադարերի էջերից անհետանում են հին դարերից եկած «ի տրկաց կարգի ծառայութիւն», «ծառայութիւն ստրկութեան» բառերը և սրանց փոխարինելու են դալիս «սպասավորութիւն», «աղախնութիւն», և ընդհանրապես «ծառայութիւն» բառերը: Այս պատմաըջանում մեծ շափերով աճում է կախյալ և ճորտացված դուռացիների թիվը և անհամեմատ նվազում ծառա-ստրուկների թիվը:

5. Միջնադարյան Հայաստանի ծառա-աղախիններն արդեն իրենց սոցիալ-տնտեսական դրությունը, քաղաքացիական իրավունքներով նկատելիորեն տարբերվում են հին դարերի ստրուկներից: Ե՛ր օրենսդիրները ծառաներին իրավունք են վերապահել ծառայության սահմանված ժամկետները լրանալուց, «ըստ դնոյ իւրոյ» ծառայելուց, կամ սահմանված փրկված արը մարելուց հետո ոչ միայն անձամբ, այլև բնտանիքով դուրս գալ ծառայությունից. ծառաներն ունեցել են ոչ միայն գույքային սեփականության իրավունք, այլև գույքը և կալքը իրենց հետնորդներին ժառանգելու իրավունք:

6. Անտարակուսելի է, որ միջնադարյան Հայաստանում ծառա-աղախինների ճնշող մեծամասնությունն արտադրամիջոցները, հողակտորները, անձնական իրավունքները կորցրած այն անձնավորություններն էին, որոնք արտադրության մեջ իրենց դրաված տեղով, իրենց սոցիալ-տնտեսական դրությունը և քաղաքացիական իրավունքներով տարբերվում էին և՛ հին դարերի ստրուկներից, և՛ միջնադարյան գյուղացիներից:

Նրանք ստրուկներից տարբերվում էին նրանով, որ ունեին գույքային սեփականատիրական որոշ իրավունք և կարող էին դուրս գալ ծառայությունից: Այս է հիմնական պատճառը, որ և Մ. Դոշը և Սմբատ Գունդստարյը ծառայությունից դուրս երբեք չեն համարում «հավիտենական», «մշտնջենական» երևույթ: Նրանք շինական-գյուղացիներից տարբերվում էին նրանով, որ երկրի էկոնոմիկայում, արտադրության ասպարեզում խաղում էին երկրորդական դեր և սպասարկում էին տերերի միայն սպառողական կարիքները:

ЦАРРАЙ — АЛАХИНЫ — РАБЫ
И ИХ СОЦИАЛЬНО-ЭКОНОМИЧЕСКОЕ ПОЛОЖЕНИЕ
В СРЕДНЕВЕКОВОЙ АРМЕНИИ

Проф. С. Е. АКОПЯН

(Р е з ю м е)

В средневековой Армении рабы, или подневольные люди, были известны под названием *царрай*, *алахин*, *спасавор*. Основными источниками рабства были войны и торговля невольниками. В рабов превращались и неимущие люди, подпавшие под долги. Ряды рабов пополнялись также из «доморожденных» — людей, родившихся от брака царей и алахин или от сожительства рабов и свободных.

Несмотря на наличие ряда категорий рабов, или подневольных людей, рабство здесь носило главным образом патриархальный, домашний характер. Рабский труд не играл большой роли в производстве, а имел подсобное значение в феодальном хозяйстве. Главное место в производстве принадлежало свободному труду крестьянина—общинника-шинакана. В результате развития феодальных отношений сравнительно быстро увеличивается количество зависимых категорий населения и уменьшается количество царраев — рабов. Царраями, алахинами, спасаворами становились люди, потерявшие свои земельные участки и средства производства. Своим социально-экономическим положением они отличались от античных рабов и средневековых крестьян. От первых они отличались тем, что уже имели некоторые гражданские права, частную собственность (с правом передачи по наследству) и могли освободиться от подневольного положения путем выкупа или отработав определенный срок (7 лет) у хозяина; от крестьян-шинаканов они отличались тем, что в экономике страны играли незначительную роль и главным образом несли службу в качестве дворовых.